

M̄weīnan eo an Raelepen Jādede

Eprōl 2, 2011

Pukōt Lañlōn ilo Jerbal in Jipañ Em̄man

Jen El̄tōr M. Russell Ballard

Jen Doulul eo an Jōnoulruo Rijilōk ro

Ro jeiū im jatu, Ij kōjatdikdik kom̄ ro rej loļok Salt Lake in kom̄ naaj bōk iien eo em̄man n̄an lem̄ōñōñō kōn kōļar ko im melu in wut ko reppōļ raiboojoj ilo Temple Square.

Spring ej bōktok juon meram im mour kāāl—kakememej kōj, kōn laajrak in iien ko, kōn mour, eñtaan im Jerakakpeje eo an ad Irooj im Ripinmuur, Jisōs Kraist, bwe aolep men rej ejaak im kar kōm̄man n̄an kwaļok kaṃool kōn E (lale Moses 6:63).

Ṇae mejatoto in aiboojoj an spring im kōkaļle eo an kōn kōjatdikdik, ewōr juon laļ an jab jeļā, kaipokpok, im tarpok. Aikuj ko an aolep raan in mour—jeļāļokjeṇ, jermal ko, karūttoļok ajri ro, tōl Kabuñ eo im kūr ko, ṃakūtūt ko an laļ in, im em̄ool metak im būrom̄oj an nañinmej ko jab kōtmene kaki im jorrāan laļlap—maroñ kōm̄man bwe jen ṃōk. Ekōjkan ad maroñ kadeoor kōj make jān apañ ko rekapokpok im jab jeļā pukōt aenōm̄man in ļōm̄nak im ṃōñōñō?

Jet iien jej āinwōt ruia kake eo em̄man dettan jān Boston, eo, ilo 1849, āinwōt an bwebwenato ba, eaar lokjak ilo itok limo eo an lōñ in kooļ in California. Eaar wia kake aolep ṃweien n̄an pukōt an jeram̄man ilo reba ko ilo California, me kar jiroñ ļok bwe raar obrak kōn kooļ joñan an laļ ejjeļok juon emaroñ in kotaki.

Raan n̄an raan, likao eo eaar katulok paan eo an ilo reba eo im kotak tok ejjeļok kobban. Men eo etokōje eaar ejouj in dekā ko. Ebbeer im jeļok jabdewōt ippān, eaar pojak in bōjrak ṃae juon raan juon ļōļlap, rikappok kooļ etijemļok eaar ba n̄an e, “Ebwe an laļ ejouj in dekā ko kwoj būki jōṇe, laḍdik en.”

Likao eo eaar uwaak, “Ejjeļok kooļ ijin. Ij rool n̄an ṃweo.”

Etal n̄an ejouj in dekā ko, rikappok kooļ eo erūtto eaar ba, “O, ewōr kooļ . Kwoj aikuj in jeļā ai eo n̄an kappok.” Eaar kotak ruo dekā ilo pein im keitaaki ippān doon. Juon iaan dekā ko eaar jepellok, kwaļok jet rabōl ļok in kooļ ko reddik lo meram in al.

Kile juon kein ātet kōmṃan jān kau likwōj ikōjaan rikappok kooḷ eo eobrak, likao eo eaar ba, “Ij kappok nugget ko āinwōt ko ilo kein ātet eo aṃ, ejjab kooḷ jiddik ko.”

Rikappok kooḷ eo erūtto eaar kwaḷok ḷok kein ātet eo an nān likao eo eo eaar lale lowaan kōtmene nān lo nugget ko reḷḷap ḷok. Eaar bwilōn in lo bwe kein ātet eo eaar obrak kōn taujin kooḷ jiddik ko.

Rikappok kooḷ eo erūtto eaar ba, “Nejū, ealikkar nān nā bwe eḷap aṃ boub in kappok nugget ko reḷḷap joṃan kolikjab in kanne nine eo aṃ kōn kooḷ jiddik kein raorōk. Kijenmej eo ilo aiin kooḷ jiddik kein raar bōktok nān eō jeramṃan eḷap.”

Bwebwenato in ej kwaḷok ṃool eo ilo jetōb me Alma eaar katakin ḷeo nejin Helaman:

“Bwe jān men ko redik im relam waan men ko reḷḷap rej kūrṃool...

“... Im jān lukkuun wāween kein redik Irooj ej... bōktok ḷomṃor an elōn armej.” (Alma 37:6–7).

Ro jeiū im jatū, koḷpeḷ eo an Jisōs Kraist epidodo, jekdoon ta ewi joṃan ad kajioṃ nān kōmṃan bwe en kapokpok. Jej aikuḷ kajioṃ nān dāpij mour ko ad ren pidodo, deoor jān kareel ko rejjab ekkeijel, kalimjōk wōt men ko me raorōk tata.

Ta men ko reḷem waan an, koḷpeḷ eo me rej bōktok alikkar im kōttōpar nān mour ko ad? Ta kooḷ jiddik ko an koḷpeḷ eo me ro rej kijenmej ilo aiin ilo tōre in mour naaj nōbar kōj kōn menin aorōk eo eḷaptata—menin letok eo eaorōk an mour indeeo?

Ij tōmak ewōr juon pedped eḷam waan bōtaab eṃwilaḷ—eṃool aiboojoj—me ej kobaik aolepen koḷpeḷ eo an Jisōs Kraist. Eḷaṃne jej laudiṃdiṃ in dāpij pedped in im kōmṃan bwe en kōttōpar eo an mour ko ad, enaaj karreoik im kōkwojarjar kōj bwe jān maroṃ bar juon alen mour ilo iṃaan mejān Anij.

Rilṃṃor eo eaar kōnono kōn pedped in ke Eaar uwaake Pharisee eo eaar kajjitōk, “Ri Kaki, ewi kien eo eḷap ilo kien ko?”

“Jisōs e ba nān e, Kwōn yokwe Irooj aṃ Anij kōn aolepen būruōṃ im kōn aolepen aṃ, im kōn

am̄ lōm̄nak otem̄jej.

“Eñin kien eo eḷap im m̄okta.

“Im eo kein ka ruo āinwōt in, Kwōn yokwe ri turōm im āinwōt kwe” (Matu 22:36–40).

Ej wōt ñe jej iakwe Anij im Kraist kōn aolepen būruwōd, ad, im ḷōm̄ank jemaroñ in kwaḷok iakwe in ippān ro rituriid kōn jermal in jouj im jermal in jipañ—wāween eo me Rilom̄oor eo enaaj kar iakwe im jermal ñan aolepedwōj eḷañne E kar pād ibwilijiid rainin.

Ñe iakwe in erre an Kraist—ak iakwe eo an Kraist—ej jepool kōj, jej ḷōm̄nak, eñjake im jermal āinḷok wōt Jemed Ilañ im Jisōs renaaj kar ḷōm̄nak im eñjake im jermal. Laudiñdiñ eo ad im kōḷaan eo em̄ool ej āinwōt eo an Rilom̄oor eo. Eaar kwaḷok kōḷaan in ippān rijilōk ro An boñōn eo m̄okta jān an debwāāl. Eaar ba:

“Kien ekāāl Ij lewōj ñan kom̄ kom̄win yokwe doon āinwōt Iar yokwe kom̄. ...

“Ilo men in armej otem̄jej renaaj jeḷā bwe kom̄ij rū kaḷora, eḷañne kom̄ij yokwe doon” (Jon 13:34–35).

Iakwe eo an Rilom̄oor eo kar kōmeḷeḷeik ej juon iakwe eo ewāmourur. Ejjab waḷok ilo jermal ko reḷḷap ak kabwilōñlōñ bōtaab ilo jermal in jouj ko im jermal in jipañ ko reḷam waan.

Elōn wāween ko im jekjek ko me jemaroñ jermal im iakwe ro jet. Imaroñ ke kwaḷok wōt jet iaear.

M̄oktata, iakwe em̄ool ej ijino ilo m̄weo. Pedped eo emake wōt im aorōk tata me ej aikuj kiene aolep m̄ōko ej ñan kōjermal Golden Rule eo—Kapilōk eo an Irooj ej bwe “men otem̄jej jabdewōt kom̄ij kōḷaan bwe armej ren kōm̄anm̄an ñan kom̄, en āindein ami kōm̄anm̄an ñan er” (Matu 7:12). Bōk jidik iien im pijaik ḷok ekōjkan am̄ eñajke eḷañne kwe eo kwar bōk m̄akūtūt ko rejjab jouj, naan ko jab ḷōm̄nak kaki. Kōn waanjoñak eo ad, jān katakin ro uwaan baam̄le eo ad ñan wōr iakwe doon.

Juon bar jikin me eḷap ad iien ñan jermal ej ilo Kabuñ eo. Ward ko ad im branch ko ad rej aikuj in jikin ko me Golden Rule eo en iien otem̄jej tōl naan ko im kōm̄an ko ad ñan ro jet. Kōn kōm̄an em̄an ñan ro jet ilo jouj, kōnono kōn naan in rejtak ko im kōketak ko, im jeḷā aikuj ko an ro jet, maroñ ejaake iakwe in ippān doon ibwilijin membōr ro an ward eo. Ijo iakwe eo an Kraist ej

waļok ie, ejjeļok jikin n̄an ruruwe ak naan ko rellej.

Ward membōr ro, rūtto im jodikdik jimor, maroñ koba ippān doon ilo juon jermal in jipañ eļap meļeļe in n̄an kōjeramman mour ko an ro jet. Ruo wiik ko ļok, Būreejtōn eo an South America Northwest Eria eo Eļtōr Marcus B. Nash, an Jimjuonñoul eo, kar ripoot bwe kōn jitōn “eo kajoor eo ilo jetōb n̄an ro me rōmōjņo.” rej ļomqōrōn buki rūtto im jodikdik ro reṃōjņo. Kōn iakwe im jermal in jipañ—”. “ juon illok juon” raar rool tok. Jermal kein rejouj rejjab jipañ wōt ro rej pād ilo aikuj ak barāinwōt ejaake juon jemjerā eo ekajoor im aitok kitien ikōtaan aolep ro rej bōk kuṇaer—jimor rijpañ ro im ro rej bōk jipañ. Ekanooj in lōn ememļok ko raorōk rej reiookļok kain jermal in jipañ kein.

Ñe Ij ļōmṇak likļok kōn elōñ iiō ko in aō tōl Kabuñ in, jet iaan ememļok ko aō raorōk tata rej ilo iien ko Ij koba ļok ippān membōr ro an ward eo ilo leļok jermal in jipañ n̄an juōn eo eaikuj.

N̄an waanjoñak, Ij kememej āinwōt juon bisop ej jermal ippān jet membōr ro reniknik in ward eo aō ke kōm kar karreok lowaan roñ in silage eo ilo jikin menin mour an stake welfare eo. Menin eaar jab juon jermal eo emman! Juon būratōr eo ejjab kajoor eo ejjañin kar itok n̄an jar in iumwin elōñ iiō ko kar kūr tok n̄an koba tok ippām Kōnke kōn iakwe im jemjerā eo eaar eñjake ippām ilo roñ in silage eo enana nemān, eaar bar rool tok n̄an jar im tok ālik kar liāp ilo tampeļ n̄an lio pāleen im ajri ro nejin. Jemjerā eo am kōn jermal in jipañ eṃōj an kōjeramman ajri eo nejin, jibwin, im kiiō nejin ro jibwin. Elōñ iaer eṃōj aer jerbale mijen ko, eṃōj aer ṃare ilo tampeļ, im rej karūttoļok juon baamle indeeo—juon jermal eļap eje kōn juon jermal eļem waan,juon kooļ edik.

Eria eo kein kajilu me jemaroñ jermal ej ilo jukjuk in pād ko ad. Ilo an waļok iakwe eo erreō im n̄urbōktak eo jemaroñ tōpar ro me rej aikuj jipañ eo ad. Elōñ iaami eṃōj an kōṇak Helping hand jilñij ko im kar jermal ilo jab ṃōk n̄an kōjōqor eñtaan im kōkōmmanman ļok jukjuk in pād ko ami. Rimman ded ro ejjeļok pāleer ilo Sendai Japan Stake eo ej kab ṃōj an kōmmani jermal in jipañ ko eļap aer aorōk ilo pukōt membōr ro itok jān jorrāan in ṃakūtkūt laļ im tsunami eo . Ekanooj lōn wāween ko n̄an jermal.

Kōn jouj ko ad reṃool im jermal in jipañ ko jemaroñ kōmman jemjerā ko ippān ro me jej jermal n̄an er. Jān jemjerā kein itok meļeļe emmanļok kōn ujeļok eo ad n̄an kojpeļ eo im juon ikirelel n̄an katak eļapļok kōn Kabuñ in.

Eo ṃōtta emman, Eļtōr Joseph B. Wirthlin, eaar kōnono kōn kajoor eo an pedped in ke eaar ba: “Jouj ej lukkuun meļeļe in emman tata. . .[Ej] juon kii me ej kōpeļok kōjām ko im ejaaki jemjerā ko. Ej kōmeraik ļok bōro ko im ļōmi jemjerā ko me remaroñ n̄an jemļok in mour in” (“The Virtue of Kindness,” *Ensign*, Māe 2005, 26).

Bar juon wāween jemaroñ jermal ñan ajri ro nejin Jemed Ilañ ej kōn jermal in mijenede—ejjab āinwōt mijenede ro rej jermal aolep raan bōtaab barāinwōt āinwōt ro mōttan ak rituriin. Eddōkļok eo ilju im jekļaj an Kabuñ in ejjamin naaj waļok wōt kōn kōļļajļaj ilo kōjām an riuwamejet ro. Enaaj waļok ñe membōr ro, koba ļok mijenede ro, obrak kōn iakwe an Anij im Kraist, kile aikuj ko im uwaake aikuj ko ilo mejatoto in jermal in jipañ eo ejouj.

Ñe jej kōmņane menin, ro jeiū im jatū, ro rej mool ilo pukōt mool eo renaaj eñjake mool im iakwe eo ad. Elōñ renaaj kōņaan jeļā eļapļok kōn kōj. Innām im innām wōt Kabuñ in enaaj kanooj ļapļok ñan kobrak laļ in. Menin ejjab maroñ tōprak jān mijenede ro wōt bōtaab emenin aikuj itok limo in jermal in jipañ eo an aolep membōr ro.

Ilo aolepen jermal in jipañ ko ad jej aikuj in jeļā imwe ko an Jetōb Kwojarjar. Ainikien eo eluur, edik enaaj kōmņan bwe jān jeļā wōn eo ej aikuj jipañ eo ad im ta eo jemaroñ kōmņane ñan jipañ er.

Būreejtōn Spencer W. Kimball eaar ba: “Elukkuun aorōk bwe jān jermal ñan doon ilo aelōñ in kiiñ eo... Ekanooj emakijkij, mākūtūt in jermal in jipañ ko ad epād ie kōketak eo ak kōn leļok eo eļam waan ... jipañ kōn jermal ko ejej uwaer, bōtaab ta tōprak ko raiboojoj remaroñ itok ... jān jermal ko reddik bōtaab ļap tokjāer!” (*Teachings of Presidents of the Church: Spencer W. Kimball* [2006], 82).

Im Būreejtōn Thomas S. Monson eaar kōkapilōklōk:

“Aikuj ko an ro jet eļapļok aer waļok, im kajjojo iaad emaroñ kōmņan juōn men ñan jipañ jabdewōt.

“... Ijellōkin wōt ñe jej leļok kōj make ñan jermal in jipañ ro jet, ewōr jidik kōttōpar ñan mour ko ad make” (“Ta Emōj Aō Kōmņane ñan Jabdewōt Rainin?” *Liaona Nob.* 2009, 85).

Ro jeiū im jatū, Imaroñ ke bar-kalikkar bwe mwil eo aorōk tata an Jemed Ilañ im Nejin Jitōnbōro bwe jej aikuj kōņaan im pukōt ñan bōk ilo kōj make ej menin letok eo an iakwe eo erre, “iakwe eo erre an Kraist” (Moronai 7:47). Jān menin letok in ej eddōkļok maroñ eo ad ñan iakwe im jermal ñan ro jet—āinwōt an Rilomqor eo kar kōmņane.

Rikanaan Mormon eaar katakin kōj kōn aorōk tata eo an menin letok in im kar jiroñ kōj ekōjkan ad maroñ bōke:

“Kōn menin, ro jeiū im jatū re jitōnbōro, kom̄in jar n̄an Jemād kōn aolep kajoor in bōro, bwe kom̄in maroñ obrak kōn iakwe eo An, eo Eaar leļok ioon aolep ro rej ri kaļoor ro an reṃool an Nejin, Jisōs Kraist; bwe kom̄in maroñ erom ṃaan ro nejin Anij; bwe n̄e Enaaj waļok jenaaj āinwōt E, bwe jenaaj lo E ilo lukkuun nememen; bwe jen maroñ bōk kōjatdikdik in; bwe jān maroñ karreo eṃool āinwōt E erre” (Moronai 7:48).

Men ko reļlap rej kōṃṃan kōn men ko reddik im men ko reļem waan. Āinwōt kool ko reddik me rej aiini ilo iien ko n̄an juon menin aorōk eļap, jermal in jouj ko ad reddik im lam waan im jermal in jipañ eo renaaj aiin juon mour eobrak kōn iakwe n̄an Jemed Ilañ, ujleļok n̄an jermal eo an Irooj Jisōs Kraist, im meļe eo kōn aenōṃṃan im lañlōñ kajjojo iien jej pukōt ro doon.

Ilo ad epaakeļok Easter season eo kōṃṃan bwe jān kwaļok ad iakwe im kaṃoolol kōn pinmuur in eñtaan eo an Rilṃmoor kōn jermal in jipañ ko ad reļem waan, tōnkwadik n̄an ro jeiid im jatiid ilo ṃweo, ilo ṃōn jar eo, ilo jukjuk in pād ko ad. N̄an menin Ij jar ilo etan Jisōs Kraist, amen.